



REPUBLIKA E KOSOVËS

KUVENDI I KOMUNËS-VUSHTRRI

**PROCESVERBAL
NGA MBLEDHJA E -IV- E RREGULLT E KUVENDIT TË KOMUNËS SË
VUSHTRRISË, MBAJTUR MË 27 PRILL 2023**

Mbledhja është mbajtur në sallën e Kuvendit të Komunës së Vushtrrisë, duke filluar në orën 10:15. Në këtë mbledhje ishin të pranishëm anëtarët e Kuvendit të Komunës së Vushtrrisë:

Agim Bregaj, Agron Përçuku, Alban Bajrami, Ali Januzi, Arlind Gogolli, Behar Duraku, Bekim Zabërgja, Blerina Shala, Bujar Pllana, Edona Gashi, Fakte Dushi, Fatmire Cecelia, Faton Hyseni, Galip Audiu, Gresa Muli, Gentiana Rama, Ilmi Azemi, Kushtrim Hyseni, Leonora Gërguri, Lorik Maxhuni, Mek Selaci, Melihate Basholli-Latifi, Mensur Kasumi, Mensur Kastrati, Mentor Hasani, Nasuf Aliu, Nurie Halili, Nurten Çerkezi-Gjyshinca, Refik Maloku, Shkelzen Xhaferi, Spasoje Stefanoviq, Sylejman Mehulli, Ymer Haradinaj dhe Zojë Hajrizi.

Mungoi: Adnan Lahu.

Mbledhjen e hapi dhe e kryesoi Melihate Basholli-Latifi, – kryesuese e kuvendit, e cila konstatoi se në sallë janë prezent 34 anëtarë të kuvendit, kuorum ky i mjaftueshëm për zhvillimin e punimeve të mbledhjes plenare dhe për marrje të vendimeve të plotfuqishme, andaj procedoi me rendin e ditës.

Të pranishëm në këtë mbledhje ishin edhe Kryetari i komunës, z. Ferit Idrizi, përfaqësuesi i KFOR-it, përfaqësuesi i OSBE-së, përfaqësues të mediave të shkruara dhe elektronike, përfaqësues të shoqërisë civile.

Melihate Basholli-Latifi, Kryesuese e Kuvendit-paraqiti para kuvendit pika e dërguara në të ndryshme për ti inkorporuar në rendin e ditës.

Faton Hyseni, anëtar i kuvendit –ngriti shqetësimin e normave të tatimit në pronën e paluajtshme, e që lidhet me rritjen e vlerave të tatimit në faturat e cila ka ndodhur pas vlerësimeve që janë bërë nga Ministria e Financave, për tokave dhe objekteve rezidenciale, ka pas këtyre vlerësimeve tatimi në pronë është rritur deri në masën 100% e që i ka goditur drejtpërdrejt qytetarët tanë në këtë kohë të rënd ekonomike, ndërsa për disa këto norma nuk janë rritur pas nuk ka ndryshuar vlera e pronës. Pagesa e tatimit në pronë në Kosovës mund të bëhet në dy këste, afati për këstin e parë është 30 prilli, ndërsa për pagesën e kësti të dytë është fundi i muajit shtator. Lidhur me këtë çështje ai pyeti drejtorin e Drejtorisë së Financave se pas këtyre afateve qytetarët e Komunës së Vushtrrisë a do të gjobiten, apo thënë më mirë a do të aplikohet një kamatë prej 0.65 % për secilin muaj që vonohet pagesa, si dhe një gjobë prej 10% të tatimit të papaguar. Qeveria e Republikës së Kosovës ka marr vendim që të gjithë tatim paguesve tu falen borxhet deri në 100 €,

shtrohet pyetja se a do tu kthen këto mjete qytetarëve që më herët i kanë paguar këto mjete, nëse jo a do të iu zbriten në vitin vijues të njëjtat mjete në shumën e tatimit.

Leonora Gërguri, anëtare e kuvendit- pasi i përshëndeti të pranishmit deklaroi me sa vijon: këtë fjalim timin sot do të dëshiroja shumë që ta filloja me lëvdata për arsimin në komunën tonë ,por ja që realiteti është shumë ndryshe edhe pse Kryetari ka thënë se do e ketë prioritet Arsimin. Anulimi i njëpasnjëshëm i konkurseve, kurdisja e tyre për t'i rehatuar të afërmit e pushtetit dhe për t'i shpërblyer kuvendaret për votat në Kuvend po e degradojnë arsimin në Komunën tonë. Manipulimet që po ndodhin në këto konkurse a janë shkas i dorëheqjeve që po ndodhin po në këtë drejtori duke filluar me dorëheqjen e drejtoreshës se DKA-së dhe tani së fundmi me dorëheqjen e drejtoreshës se çerdhes Foleja.

Ymer Haradinaj, anëtar i kuvendit-ngrit çështjen e një vendimi të kryetarit të komunës, të datës 4 nëntor 2022 ku thuhet se kryetari Idrizi ka bërë vendosjen e flamurit shtetëror të Republikës së Kosovës në rreth rrotullimin në rrugën magjistrale Prishtinë-Mitrovicë, ku vendi i quajtur rrethi i Gojbulës do të quhet rrethi i flamurit. Në këtë rast me këtë vendim kryetari i komunës ka bërë shkelje të statutit të komunës neni 18 pika 1.9 ku thuhet: Kuvendi i komunës nuk mund t'i delegojë përgjegjësitë e veta për marrjen e vendimeve lidhur me: Emërtimin dhe riemërtimin e rrugëve, rrugicave dhe vendeve tjera publike. Lidhur me këtë çështje vlerësoi se kjo kompetencë i takon kuvendit të komunë dhe pyeti se pas këtyre veprimeve a është iniciuar procedura që ky vendim të votohet dhe aprovohet në kuvend.

Sylejman Mehulli, anëtar i kuvendit-vlerësoi se para disa kohe si parti politike kishin reaguar se konkursi për përzgjedhjen e kryetëknikut në laboratorin e QKMF-së është duke u zhvilluar kundërligjshëm, i njëjti pastaj është përmirësuar por prapë ka pasur shkelje, është ndryshuar rregullorja për me i` u përshtatë dikujt që ka aplikuar i afërt me partinë në pushtet dhe për këtë konkurs si përfundim nuk kemi asnjë njoftim se në cilën fazë ndodhet dhe a ka përfunduar si procedurë. Ndërkohë që kanë ndodhur këto shkelje laboratorin ka mbetur pa monitorim sepse nuk ka biokimist dhe shef të diagnostikës nuk ka kryetëknik, në këtë drejtim ka disa përpjeke për zëvendësimin e tyre me ushtrues detyre dhe me rotacion praktika juridike që nuk janë hasur deri më tani. Dy muaj ditë prej se i ka tërhequr vëmendjen për këto probleme po ngjan të ketë pasur të drejt dhe viktima kryesore në këtë gjë është qytetari i Vushtrisë i cili nuk po merr shërbimet shëndetësore për të cilat komuna është e obliguar të ofroj, kjo për faktin se gjendja në laborator është tepër e rëndë ku nëse i shikojmë parametrat analiza për diagnostifikim të diabetit ka me muaj që nuk bëhet në këtë laborator. Njëanshëm është ndërprerë kontrata me një operator ekonomik me qëllim të lidhjes me një operator tjetër për reganca apo material për analizë të diabetit dhe për këtë pyeti se përse ka ndodhur një gjë e tillë. Pastaj kryetari i komunës duhet të japë përgjigje se çfarë po ndodh me konkurse dhe shkeljet ligjore që po ndodhin në këtë konkurs për zgjedhjen e kryetëknikut në laborator. Tutje shprehu shqetësimin se ka vendime të kuvendit që nuk po respektohen siç është ai i emërtimit të Teatrit të Qytetit "Adem Mikullofci" që në prononcimet publike kemi referencë vetëm Teatri i Qytetit, ndërkohë që nuk është vendosur një pllakë ku ceket emërtimi zyrtar i këtij institucioni me emirin e Adem Mikullofcit. Kërkoj që kjo pllakë të vendoset sa më parë që të jetë e mundur.

Refik Maloku, anëtar i kuvendit-në adresimin e tij para kuvendit pyeti se përse është anuluar konkursi në çerdhen publik "Foleja" dhe në këtë drejtim komisioni kishte nxjerr njoftim, gjë e cila nuk është praktik sepse duhet nxjerr vendim për anulimin e konkursit. Për këtë pyeti se përse është anuluar ky konkurs në çerdhe, pasi si shihet nga konkursi asgjë nuk ka ndryshuar sa përket

aplikantve. Pastaj pyeti se kur do të bëhet emërtimi i shkollave sepse nuk është në rregull të kemi emra SHMU1 dhe SHMU2.

Ferit Idrizi, kryetar i komunës-tha se prej se ka marr mandatin ka qenë i hapur për kooperim dhe ka shfaqur dëshirën për sinergji për bashkim të energjive pozitive për tu shërbyer qyfterëve. Lidhur me konkurset ceku se është çështje e zyrtarëve kompetent dhe në njërin nga konkurset ka pasur shkelje pasi që thirrja juridike ka qenë në një akt i cili ka qenë i shfuqizuar. Në këtë kuptim ai pranon se ka pasur anulim të konkurseve por deklaroj se kjo është mirë pasi që kryetari i komunës nuk po pranon të shkelet ligji dhe aty ku sheh se ka pasur shkelje po intervenon në përmirësimin e gabimeve. Në këtë kontekst ai u zotua se aty ky sheh shkelet në konkurse gjithherë do të veproj dhe do t'i anuloj ato konkurse. Lidhur me emërtimin e vendit të quajtur rrethi i flamurit njoftoi se nuk është bërë kurrfarë shkelje e statutit pasi nuk është nxjerr vendim për këtë çështje. Vendosja e flamurit është krejtësisht legjitime dhe mendon se është një potezë shumë pozitiv sepse ai vend do të quhet rrethi i flamurit. Lidhur me emërtimin e Teatrit të Qytetit me emrin e aktorit Adem Mikullofci që ka ndodhur më herët, kërkoj nga Drejtoresha e Kulturës që në një afat sa më të shkurtër ta vendos pllakën e emërtimit zyrtar të këtij institucioni. Tutje njoftoi se pas vendosjes së tabelave për shtëpitë-shkolla, shumë shpejt do të veprohet edhe në emërtimin e shkollave me një proces krejtësisht transparentë. Më tej duke ju kthyer sërish konkurseve vlerësoi dhe potencoi se në qeverisjen e tij janë duke u pranuar në punë njerëz meritator pa shikuar përkatësinë partiake dhe jo siç është vepruar në qeverisjen e kaluar.

Leonora Gërguri, anëtare e kuvendit-tha se është për keqardhje vlerësimet e kryetarit të komunës, që akuzon qeverisjen e kalaruar, ndërsa deklaroi se nuk është i gjithëdijshtëm kurse ka përgjigje për secilën temë duke luajtur rolin e juristit dhe role tjera, që në fakt nuk i di.

Sylejman Mehulli, anëtar i kuvendit-deklaroi se reagimet e tyre publike lidhur me shkeljet që kanë ndodhur në konkurset në komunë, po del se kanë qenë të drejta dhe pikërisht për këtë ndihet mirë sepse ka kontribuar në denoncimin e shkeljeve që po ndodhin. Ai e njehe meritën për vendosjen e pllakave në shtëpi-shkolla, por kërkoj që të bëhet edhe vendosja e emërtimit zyrtar për teatrin e qytetit <Adem Mikullofci>.

Isuf Jasahri, drejtor i DBF-së-paraqiti sqarime lidhur me temën e ngritur për tatimin në pronën e paluajtshme që ka të bëjë me ngritjen e normave tatimore, akordimin e komtës dhe gjobave për vonesat në kryerjen e obligimeve tatimore në pronën e paluajtshme.

Albanez Tahirja, drejtor i Drejtorisë së Prokurimit- paraqiti sqarime lidhur me shkëputjen e një kontrate që lidhet me furnizime në fushën e shëndetësisë, ku njoftoj se operatori ekonomik vetë ka kërkuar që të shkëputët kjo kontratë, në pamundësi të furnizimit, sigurimit, garantimit, konform kontratës, sepse i njëjti nuk ka mundur t'i përmbushë obligimet kontraktuale, ndërsa subjekti ekonomik do të dëmtohet duke ju konfiskuar garancioni. Disa seanca më parë i njëjti anëtar i kuvendit ishte shqetësuar për një tjetër kontratë për DDD, por që atë kontratë e kishte vlerësuar "grykëta e tenderëve"-OSHP, të njëjtën e ka vulosur dhe komuna si autoritet kontraktues i'u detyrohet zbatimit të vendimeve të OSHP-së.

Ferit Idrizi, kryetar i komunës-arsyetoj para kuvendit propozim-vendimin për mbështetje financiare për Adea Badivukun, ku kërkoj nga të gjitha grupet politike që ta mbështesin propozimin për ofrimin e ndihmës financiare për të njëjtën. Adea është studente-doktorante në piano në SHBA, kjo ka bërë kërkesë Komunës së Vushtrrisë dhe vlerëson se të njëjtës duhet të dalim në ndihmë.

Sylejman Mehulli, anëtar i kuvendit-vlerësoi se një praktikë e tillë e ndarjes së mjeteve përmes kuvendit, nuk është e sigurtë dhe e ndershme, kjo për faktin se kujt po dëshirojmë po i ndihmojmë e kujt nuk dëshirojmë nuk po i ofrojmë ndihmë. Ky vendim në vetvete është i kundërligjshëm

sepse bazuar në rregullore ndarja e këtyre mjeteve bëhet përmes thirrjes publike. Mandej përpos rasteve të mbështetjes së talenteve po kemi edhe rastet humanitare që po kërkojnë ndihmë për shkak të sëmundjeve të rënda dhe fundi i fundit shëndeti është gjëja më e rëndësishme në jetë para çdo gjëje, andaj mjetet duhet të kursehen për këto raste, ndërsa rastet tjera duhet ti shikojnë afatet që të subvencionohen përmes thirrjes publike.

Ferit Idrizi, kryetar i komunës-sqaroi se askënd në asnjë rrethanë nuk e vë në lajthitje, dhe shtoj se thirrja publike për subvencionim bëhet për persona juridik-OJQ, ndërsa për persona fizik mund të merret vendim nga kuvend për ofrimin e ndihmës financiare.

Në fund të debatit jashtë rendit të ditës dhe për rendin e ditës, Kuvendi pas votimit me 31 vota “për” aprovoi këtë:

R E N D I T E

1. Shqyrtimi dhe aprovimi i procesverbalit nga mbledhja e rregullt e Kuvendit të Komunës së Vushtrrisë, mbajtur më datë 30 mars 2023;
2. Shqyrtimi i Raportit tremujor për të hyrat dhe shpenzimet buxhetore;
3. Shqyrtimi i Raportit vjetor të punës së ndërmarrjes regjionale të mbeturinave “Uniteti” për vitin 2022;
4. Shqyrtimi i Raportit vjetor të punës së ndërmarrjes regjionale të ujësjellësit “Mitrovica” për vitin 2022;
5. Shqyrtimi i Raportit të vlerësimit të dëmeve nga fatkeqësitë natyrore dhe fatkeqësitë tjera në territorin e komunës së Vushtrrisë të shkaktuara në muajin mars 2023;
6. Shqyrtimi i Propozim-vendimit për ofrimin e mbështetjes financiare për Adea Badivukun;
7. Shqyrtimi i Propozim-vendimin për ndryshim të vendimi 01 Nr. 24/22 date.31.01.2022 për themelimin të Këshillit Komunal për Siguri në Bashkësi;
8. Të ndryshme.

1. Shqyrtimi dhe aprovimi i procesverbalit nga mbledhja e rregullt e Kuvendit të Komunës së Vushtrrisë, mbajtur më datë 30 mars 2023;

Pas shqyrtimit të kësaj pike të rendit të ditës, Kuvendi me vota “unanime”, aprovoi procesverbalin nga mbledhja rregullt e Kuvendit të Komunës së Vushtrrisë, mbajtur më datë 30 mars 2023.

2. Shqyrtimi i Raportit tremujor për të hyrat dhe shpenzimet buxhetore;

Leonora Gërguri, anëtare e kuvendit-tha ky raport në aspektin profesional lë shumë për të dëshiruar, duke filluar nga tabela e të hyrave ku tek komenti kemi ngatërrim të shumave i cili nuk ka të bëjë me realitetin e që vetë e keni shënuar në tabela. Po ashtu kemi rënie në inkasimin e të hyrave në krahasim me vitin e kaluar përreth 33,000.00 €, ndërsa këtij raporti i mungon lista e projekteve kapitale të planifikuara apo ndoshta kjo është bërë me qëllim të shihet realiteti, sepse kur e shohim tabelën e shpenzimeve sipas kategorive të larta shihet se realizimi për investime kapitale për këtë periudhë është 0%. Ndërsa për kategorinë mallra dhe shërbime shihet se për disa kode ekonomike kemi shpenzime të dy-trefishuara, por dy më të veçanta dhe më luksoze janë ato

të udhëtimit jashtë vendit 3600 € dhe avansi për udhëtime jashtë-vendit rreth 27,000.00 € e që kjo është bërë për përfitimin e mëditjeve për zyrtarët komunal.

Sylejman Mehulli, anëtar i kuvendit-tha se ka shpresuar se drejtori i ri i financave, z.Jashari, do të punoj në ngjalljen dhe shtyrjen përpara të proceseve në financat publike të komunës së Vushtrrisë të cilat kanë qenë të katandisura si mos më keq gjatë vitit 2022 ku kemi pasur rekorde fatale të suficitit të parasë publike në Komunën e Vushtrrisë. Duke ju referuar tabelave vlerësoi se përpos që po mungon transparenca në shpenzimin e parasë sidomos në projekte kapitale që është pjesa kryesore. Tutje duke ju referuar faqes 2 të raportit tha se kemi një fjali e cila është bërë me qëllim për të keq informuar apo kamufluar situatën, ku thuhet: planifikimi i të hyrave vetnanake është për periudhën janar-mars 2023 është 2,262.795 € ndërsa realizmi është 725,139.75 €, e që shprehur në përqindje i bie që është 90.55% e kjo është gabim shumë keq informim, sepse nëse kalkuloheh shuma e sipër cekura në mënyrë të drejt del se përqindja sipas formulës del se është vetëm 32% e jo ajo që na është prezantuar, por kjo ka vetëm një shpjegim tendencë për kamuflim të dështimeve.

Isuf Jasahri, drejtor i DBF-së-paraqiti sqarime lidhur raportin për të hyrat dhe shpenzimet buxhetore, duke u përgjigjur në temat e ngritura nga anëtarët e kuvendit. Tutje ai shtoi se kemi pasur një periudhë progresiste, edhe për kundër rrethanave rëndues që kanë mbretëruar si rezultat i aprovimit të buxhetit të komunës por edhe rrethanave tjera ekonomike jo favorizuese në përgjithësi. Në vazhdim ai para kuvendit parashtrij statistika financiare lidhur me të hyrat dhe shpenzimet buxhetore për periudhën raportuese të cekur si më lartë.

Sylejman Mehulli, anëtar i kuvendit-përsëriti qëndrimin e tij se ka gabime në kalkulimin e përqindjeve për sa i takon shpenzimit të buxhetit në investime kapitale, dhe vlerësoi se shpenzimi për investime është tmerrësisht i ulët duke shkuar fondet gati në tërësi në suficit.

Në fund të debatit lidhur me këtë pikë të rendit të ditës kuvendit pas votimit me 20 vota “për” 8 vota “kundër” aprovoj Raportin tremujor për të hyrat dhe shpenzimet buxhetore.

3. Shqyrtimi i Raportit vjetor të punës së ndërmarrjes regjionale të mbeturinave “Uniteti” për vitin 2022;

Bekim Zabergja –anetar i kuvendit- theksoi se para se të diskutoj për këtë pikë të rendit të ditës, kam një pyetje Kryetari dhe Sylejman Mehulli i ndanë rolet, kryetari mbeti të thërras Kryeministrin dhe Ministrin e Kulturës, shtroi pyetjen se kush mbeti të thërras Martin Berishajn dhe Nagip Krasniqin. Me tutje filloi diskutimin për pikën e rendit të ditës , me Ligjin e Ndërmarrjes Publike 03/L-037 të gjitha ndërmarrjet publike qofshin ato qendrore apo lokale veprimtarinë e tyre sipas këtij ligji si dhe rregulloret që kërkohen sipas Ligjit për Shoqëritë Tregtare. Ndërmarrjet publike që janë në pronësi të Komunës apo komunave ,në këtë rast ndërmarrja është në pronësi të tri komunave. Kur je komunë është aksionar ne një ndërmarrje lokale komuna cakton një komision komunal i cili ka të drejt të veproj ne emër të komunës dhe duhet të veproj ne përputhje të plote me Ligjin për Shoqëri Tregtare dhe me shumicë të thjesht vendos t’i ushtroj të drejtat e aksionarit të komunës. Komisioni komunal i aksionare ne baze të nenit 16,paragrafi 16.1 dhe 16.2 zgjedh borin e drejtorëve i cili përbehet nga 5 drejtor, 4 drejtor zgjedhën nga komisioni i aksionarëve , ndërsa drejtori i 5 i cili është krye shëf ekzekutivë i cili zgjidhet nga bori i drejtorëve në përputhje me nenin 21 të këtij ligji. Me tutje tha, komisioni i aksionarëve zgjedh borin e drejtorëve, ndërsa bori i drejtorëve emëron zyrtarët e ndërmarrjes publike siç është kryeshefi ekzekutiv ,zyrtarin

kryesor të financave dhe thesarit ,këshilltarin e përgjithshëm(sekretarin për auditim të brendshëm). Më tutje tha, se krye shefi ekzekutiv i raporton bordit të drejtorëve, bordi i drejtorëve i raportin komisionit komunal të aksionarëve ,ndërsa komisioni komunal i aksionarëve i raporton kuvendit. Pra në baze të kësaj kuvendit komunal ka të drejt t'i raportoj komisioni komunal i aksionareve e jo krye shefi ekzekutiv siç është ne këtë rast. Shtroi pyetjen, ku është komisioni komunal i aksionareve a është prezent ne salle , ne baze te planit te punës se kuvendit keni pasur te raportoni ne muajin Prill me sjell raportin. Pse nuk e keni sjell raportin sipas përgjegjësive te juaja, vetëm raportin tuaj ky kuvend ka të drejt ta votoj. Ky është vetëm një eksport i raporti të kryeshefit ekzekutiv. Kërkoi që kjo pikë e rendit të ditës të shtyhet për mbledhjen e ardhme dhe në mbledhjen e ardhme komisioni kuvendar i aksionarëve të sjell raportin sipas Ligjit për Ndërmarrje Publike. Raporti i krye shefit ekzekutiv nuk prodhon asnjë efekt juridik për kuvendin.

Melihate Basholli-Latifi-kryesuese e kuvendit- tha, propozimi i Bekim Zabergjes ishte që ky raport të shtyhet dhe të vjen raporti nga komisioni i aksionarëve dhe jo nga kryeshefi ekzekutiv.

Refik Maloku-anëtar i kuvendit- tha, se ai vete është pjesë e këtij komisioni së bashku me Galip Avdiun anëtar i kuvendit dhe Benajmin Shalën drejtor i shërbimeve publike. Me tutje tha se pajtohet me çdo pike dhe presjen me Bekim Zabergjen, është e vërtet që nuk kemi pasur takim prej kohës se formimit si komision me krye shefin ose me ndërmarrjen “Uniteti”. Me tutje tha kanë pasur vetëm dy takime si komision i aksionarëve me drejtorin dhe anëtarin tjetër dhe janë kanë ra dakord që kjo pike e rendit të ditës mos të silltet fare në këtë seancë, të takohet komisioni i aksionarëve me kryeshefin dhe të përpilohet një raport te mirëfilltë pasi që ky raport edhe ashtu ka shume te meta dhe paqartësi. Shprehi qe janë te pakënaqur me raportin dhe veprimet e “Unitetit” ne Komunën e Vushtrisë. Për muajin e ardhshëm te përgatitet një raport i detajuar dhe te sjellët nga komisioni i aksionarëve.

Meqë ishin dy propozime për shtyrjen e kësaj pike, kryesuesja e kuvendit e hodhi në votim propozimin për shtyrjen e kësaj pike të rendit të ditës.

Pas debatit lidhur me këtë pike të rendit te ditës, Kuvendi pas votimit me vota “unanime “ vendosi që kjo pikë e rendit të ditës të shtyhet për mbledhjen e ardhshme.

4. Shqyrtimi i Raportit vjetor të punës së Ndërmarrjes Regjionale të Ujësjiellit “Mitrovica” për vitin 2022;

Melihate Basholli-Latifi-kryesuese e kuvendit- njoftoi se të pranishëm ne seance janë Sheqfet Maloku menaxher i njësisë operative ne Vushtrri dhe Bujar Asllani zyrtar financiar ne KRU “Mitrovica”.

Faton Hyseni- anëtar i kuvendit-tha, se për Sheqfet Maloku dhe për punën që është duke e kryer ujësjielli nga koha kur jemi kyçur në ujësjiellës nuk kemi pasur ndërprerje. Ndërprerjet kanë ndodhur vetëm dy herë, një herë për shkak të vërshimeve dhe një herë për shkak të rregullimeve në rrugë deri sa është bërë rregullimi i gypave dhe jemi informuar. Tha se e morri fjalën vetëm për të uruar dhe përgëzuar.

Bekim Zabergja –anëtar i kuvendit-tha, se kemi të bëjmë me ndërmarrje regjionale ku aksionar kryesor është Qeveria e Republikës së Kosovës, komisioni aksionar i raporton qeveris jo kuvendit të komunës mirëpo në aspektin moral një informatë të jepet nga krye shefi ekzekutiv për shkak se

e ka një komunë monopolin për ta furnizuar me ujë dhe shërbime të tjera Komunën e Vushtrrisë. Më tutje kërkoi që kjo pike e rendit të ditës të shtyhet që të vije kryeshefi ekzekutiv të jep informatë sepse nuk mundet i njësisë për shkak të përgjegjësive. Le të vije kryeshefi dhe të raporton vetë. Iu drejtua menaxherit të njësisë operative të Vushtrrisë të përgjigjet për të gjitha shifrat që janë në raport. Kërkoj nga anëtarët e kuvendit t'i jepet fjala drejtorit të financave pas që ka qenë zyrtar kryesor financiar në KRU "Mitrovica" dhe e njeh mire këtë fushë mirë.

Isuf Jashri-drejtor i financave- tha, se KRU "Mitrovica" është në gjendje të rend ekonomike financiare për shkak se i posedon dy fabrika të ujit. Janë fabrika e Balincit që e furnizon Vushtrrinë dhe fabrika e Shipolit që e furnizon Mitrovicën e Jugut, Mitrovicën e Veriut dhe Skenderajn. Në bazë të statistikave që janë prezantuar janë disa në raport mos barazimi, një problem është që Mitrovica e Veriut i ka mbi 17 milion borxhe kompanisë së ujësjellësit dhe nuk ceket në raport, nëse thuhet e kemi një performac pozitive atëherë niveli qendror asnjë subvencion nuk do të i jep kompanisë se nga kjo kuptohet që kompania mund të mbijetoj ndërsa ka asete dihet se në çfarë gjendje është njësia e Vushtrrisë ka një kamionë dhe një traktor me një lug që nuk mund të hapet një kanal askund. Inkasimi në Mitrovicë është 1,966.108 € ndërsa shpenzimet 2,657.766, inkasimi në Vushtri është 1,240.499 ndërsa shpenzimet 1,3900.786, në Skenderaj inkasimi 531,224,00 shpenzimet 553,258.00. Në baze të kësaj Vushtrria përpos realizimi që e ka bërë i ka mbuluar shpenzimet e veta dhe i ka ndihmuar regjionit me 270000.0.13, dihet që regjioni ka shpenzime të mëdha, në baze të kësaj performace të thuhet që është një performac pozitive ndërsa obligime janë enorme të mëdha 53%, atëherë nuk do te keni asnjë subvencion. Sa i përket prezantimit këto janë të dhëna reale të gjendjes faktike.

Agim Bregaj, anëtar i kuvendit- tha, në këtë raport në disa vende thuhet se Vushtrria i ka punët mirë sepse ka inkasim dhe faturim 40% ndërsa humbje 60% si mund të jetë pozitive. Ndërsa Skenderaj inkasim dhe faturim 25%, humbje 65%, ndërsa Mitrovica 30% të hyra dhe të dalura ndërsa të dalura 70%. Në fund thuhej se kompania është e suksesshme 107% ka dalur me suksese. Me tutje shtori pyetjen a mundet me na e shpjeguar dikush këtë. Nëse Skenderaj është më keq se ne, duhet t'i ndihmojmë sepse jemi shumë bamirës.

Ymer Haradinaj, anëtar i kuvendit- tha, se e ka analizuar këtë raport ku diku thuhet raport diku informatë duhet të dihet a është raport apo informatë. Në tabelën thuhet se kemi paraqitur të dhëna për anëtar të bordit të përkohshëm për periudhën 01.01.2022 deri 14.01.2022 pra raporti është vetëm për 13 dite e jo për një vit. Në tabelën 3 tek bordi i drejtorëve jo-ekzekutivë thuhet që po raportoj për periudhën 01.06.2022 deri me 31.01.2022 kemi dyshime që vetëm janë marr copy-past, është papërgjegjësi totale thuhet që po raportojë kështu mbrapsht. Më tutje tha, se është një raportim joserioz sepse duhet të dihet që po i raportohet kuvendit të komunës pra asamblesë komunale që është zgjedhur nga qytetaret. Shqetësuese është që në regjionin e Mitrovicës vetëm 12% e konsumatorëve kanë marrëveshje shërbimi me ndërmarrjen, në Vushtri 10% ndërsa në Skenderaj 6% nga kjo del që pagesa (inkasimi) është shumë mirë në krahasim që qytetarët nuk kanë marrëveshje pra nuk kanë obligim për pagimin e këtyre taksave. Në tabelën 25 tek numri i punëtorëve thuhet që 239 meshkuj dhe 2 femra në total 264, 239 dhe 2 bëjnë 241 e jo 264. Po ashtu në tabelën 4 lëvizja e punonjësve gjatë vitit 2022 thuhet që numri i të punësuarve që i'u është ndërprer kontrata gjatë vitit 2022 është 4 persona nuk ka ndonjë raport se cila është arsyeja e ndërprerjes së kontratës. Më tutje tha që po flitet për një raport të Ndërmarrjes së Ujësjellësit kërkoi që kryeshefi të ishte prezent sepse duhet një koordinim shumë më i mirë i kryeshefit ekzekutiv dhe i kësaj ndërmarrjen me Komunën e Vushtrrisë sepse edhe sot kur po flitet ka fshatra të tëra të Komunës se Vushtrrisë që kanë mungesë të ujit të pijes. Në raport janë paraqitur të dhëna të sakta

ndërsa njerëzit në këto fshatra në zonat e larta si Stanoci i Epërm ,tri Dumnicat, Samadrexhë dhe Ceceli mos të përmenden të gjitha fshatrat pra qytetarët kanë mungesë elementare të ujit ndërsa në raport thuhet që gjerat janë mirë. Kërkoj që të këtë bashkëpunim më të ngushtë të ndërmarrjes publike siç është në këtë rast Ujësjellësi “Mitrovica” me kryetarin e komunës dhe qeverinë komunale dhe sa më shpejt qytetarëve të Vushtrrisë të i’u bëhet zgjidhja për ujin e pijes këtu po flitet por qytetarët të cilët nuk e kanë gjënë elementare që është uji i pijes.

Refik Maloku-anëtar i kuvendit-tha se ka pasur fatin apo fatkeqësinë të merret me këtë problematik ,problemi i parë qendror në ligj. Kryetari dhe qeveria është e obliguar të furnizoi qytetarët me ujë, as kryetari as qeveria nuk kane asnjë kompetencë mbi kompaninë e cila e bënë furnizimin me ujë krejt çka mund te behet një bashkëpunim me mirëbesim dhe mirëkuptim. Pra asnjë kompetencë nuk e ka kryetari as qeveria komunale nuk e ka mbi kompaninë e ujësjellësit tjetër kush e zgjedh bordin dhe kryeshefën ,qytetari vjen dhe kërkon ujin nga Kryetrari dhe qeveria komunale. Këto janë disa probleme që duhet të rregullohen me ligj sepse komuna përveç që e ka obligim të siguroj ujë për qytetarët të këtë edhe një lloj autoriteti mbi kompaninë e cila e bënë furnizimin me ujë. Problemi kyç është ky për të tjerat ne mund të flasim me thirr kryeshefën, kjo është vetëm mirëkuptim i kryetarit me kompaninë përndryshe kryetari nuk ka asnjë kompetencë mbi kompaninë.

Sylejman Mehulli, anëtar i kuvendit- kishte pyetje për zyrtarët e ndërmarrjes se ujësjellësit, në vitin e kaluar një qytetar i Komunës së Vushtrrisë është dërguar nga kompania juaj tek përmbaruesi privat për një borxh për një periudhë të raportimit i cili ka pasur dëshmi të raportimit të cilën ka pasur dëshmi nga ana e juaj që është shkyçur nga ujësjellësi sepse ata kanë ndërruar vendbanimin nga një fshat në Vushtri. Me fletë dëshmi e cila i është lëshuar nga punëtori i ndërmarrjes që është çkyqyr në vitin 2016 është cekur që shkyçet përgjithmonë nga ajo adresë dhe faturimi kalon në një adresë tjetër në X lagjen në Vushtri. Në vitin 2020 e dërgon tek përmbaruesi vete kompania për të njëjtën periudhë ku vetë kompania ka dëshmuar me fletë raportim mund të sigurohet me fakte e dërgon qytetarin tek përmbaruesi me borxh paushall për periudhën që vetë kompania e ka çkyqyr me dokument ,për këtë periudhë qytetari ka edhe dëshmitar e ka edhe fletë raportin e juaj që nuk banon aty dhe nuk ka shpenzuar aty. Me tutje theksoi se vetë ka qenë në ndihem juridike të qytetarit ka bërë ankesë tek ju ka bashkangjitur edhe raportin që kompania ia ka bërë që është çkyqyr dhe prapë i është refuzuar ankesa është dashur të dërgohet në gjykatë që t’i bëhet prapsim juridik dhe prapë nuk i’u është larguar komplet barra. Ka me qindra raste që janë duke pësuar nga këto denoncime që është duke bërë kompania tek përmbaruesi nga kjo janë duke u dëshpëruar qytetarët të paguajnë fatura për këtë arsyeje keni dështim në inkasim, më tutje shprehi se ju lutet zyrtarëve juridik të kompanisë që të jenë në nivel të detyrës.

Ali Januzi, anëtar i kuvendit- tha, edhe në legjislaturën e kaluar ka qene një debat meqë Vushtrria e ka fabrikën në Vushtri nuk varemi nga fabrika në Shipol ,Vushtrria me 66 fshatra e ka fabrikën në Balinc. Më tutje tha, se e ka një propozim dhe është mire që kjo initiative të filloi ,procedurat gjyqësore nuk i di si shkojnë por propozimi ime është që të merret një iniciativë që të mos varemi nga regjioni por të shkëputemi nga regjioni. Para një kohe jemi varur nga fabrika në Shipol por tani nuk varemi ,kemi fabrikën tonë të ndërtuar me standarde shumë të mira. Kishte me qenë mirë të merret kjo initiative që Komuna e Vushtrrisë të shkëputet nga regjioni pse të varemi nga regjioni, të kemi drejtorin tonë, teknikët tonë dhe stafin tonë ,këtë ujësjellës ta menagjon Komuna në bashkëpunim me ujësjellësin tonë.

Shefqet Maloku, menaxher i njësisë operative në Vushtrri KRU “Mitrovica”- foli para anëtarëve të kuvendit, informoi se janë të deleguar nga kryeshefi ekzekutiv KRU “Mitrovica” ,pasi që kryeshefi është në mbledhjen e bordi në pamundësinë për të ardhur në kuvend. Kryeshefi ka deleguar dy zyrtar , një zyrtar nga njësia operative Vushtrri dhe një zyrtar nga qendra në Mitrovicë. Me tutje dha sugjerimin që të gjitha pyetjet që keni në drejtim të njësisë operative Vushtrri ,jo për qendrën pasi që qendra raporton diku tjetër. Me tutje tha, për të gjitha pyetjet do të mbajnë shënime dhe do t’i adresojmë në qendër, do të mundohemi t’i zgjidhim bashkërisht. Në njësinë operative të Vushtrrisë furnizimi me ujë nga koha kur ka kaluar 24/7 është furnizim i mire. Përveç kur ka ndonjë ndërhyrje në rrjet edhe në atë rast informohen qytetarët nga mjetet e informimit nga KRU “Mitrovica”. Për të gjitha pyetjet që i parashtroni njësisë operative në Vushtrri do t’i mbajmë dhe do t’i adresojmë ne Mitrovicë.

Bekim Zabergja, anëtar i kuvendit- adresoi pyetje në drejtim të përfaqësuesve të KRU “Mitrovica”, për vitin 2022 prodhimi në metër kub ka qenë 7,240,885 litra janë faturuar, uji i pa faturuar 4361,877 litra nga kjo sasi janë faturuar vetëm 2,879,008 metër kub apo 40% e sasisë se prodhuar është faturuar që i bijnë 60% e ujit të prodhuar e pa faturuar llogaritet humbje teknike rrjedhje nëntokësore rrjet i stervjetruar që nuk garanton cilësi pra fabrika çdo vit prodhon dhe faturon më pak ujë sesa që e blenë ndërsa në fabrikë është ora matëse Ndërmarrja Publike “Iber-Lepenci”. Çka ka ndërmarr kompania në kuadër të investimeve kapitale për ndërrimin e këtyre gypave, për ndërrimin e mjeteve themelore të cilat janë vjetërsuar. Sepse çdo vite figuron që po prodhon shumë më shumë e po faturon shume më pak.

Melihate Basholli-Latifi, kryesuese e kuvendit-falënderoi menaxherin për informacionet që i ka dhënë përmes kësaj informate u njoftuan anëtarët e kuvendit dhe qytetarët për performancën e KRU “Mitrovica”. Kërkoj nga Kryetari i Komunës të vazhdoj dhe të ngrisë bashkëpunimin me ndërmarrjen. Njëkohësisht të përkrahet propozimi i Ali Januzit që Vushtrria të jetë e pavarur dhe të shfrytëzohet uji për qytetarët e Vushtrrisë.

5. Shqyrtimi i Raportit të vlerësimit të dëmeve nga fatkeqësitë natyrore dhe fatkeqësitë tjera në territorin e Komunës së Vushtrrisë të shkaktuara në muajin mars 2023;

Leonora Gerguri anëtare e kuvendit- tha se një raport i ngjashëm na ka ardhur në seancën e muajit të kaluar që ka përfshirë periudhën nëntor-dhjetor 2022 dhe janar-shkurt-mars 2023 njëjti ka ardhur për periudhën mars 2023 me arsyetimin që nuk kanë mundur t’i përmbushën afateve kohore po i njëjti ky që ka ardhur thotë që do t’i bashkëngjisim edhe një pasqyrë tabelare të kërkesave dhe vlerësimit të dëmeve nga ana e komisionit dhe kjo tabelë i mungon këtij raporti është konfuze se çfarë jemi duke votuar në këtë raport kur është i mangët.

Melihate Basholli-Latifi, kryesuese e kuvendit- tha, për këtë çështje duhet të merret një vendim për shkak se i njëjti nëse do të ketë implikime buxhetore pas vlerësimit të komisioni dërgohet në AME dhe duhet të merret një vendim për kompensim sipas informacioneve të drejtorisë.

Maliq Ferizi, drejtor i Drejtorisë së emergjencave- tha, mundemi edhe të shtyhet, këtu vetëm komisioni ka bërë një gabim për shkak të vrullit të madh të punës që ka pasur me subvencione nuk kanë mundur të shtinë këtë fermer këtë muaj e kanë sjell që të futet ky fermer.

Nasuf Aliu, anëtar i kuvendit- tha, a kemi të bëjmë me vlerësimin e situatës në krejt qytetin apo vetëm me një rast sepse këtu është vetëm një familje.

Melihate Basholli-Latifi, kryesuese e kuvendit- tha, është një rast në fshatin Pestovë vërshim nga shiu dhe një rast tjetër në fshatin Novoloan nga zjarri. Shuma totale është 5204.80 euro.

Ferit Idrizi, kryetar i komunës- tha, se pari është një punë jashtëzakonisht e mirë sepse janë menaxhuar vërshimet dhe nuk ka dëme shifra të mëdha por nuk është e mirë për shkak se raporti është dashur të jete shumë i specifikuar dhe të dihet se çka po kërkohet d.m.th. është dashur. Ky vendim që merret shkon në qeveri dhe qeveria i ndan këto mjete, nuk ndahen nga Komuna e Vushtrrisë pra kjo është një lloj kërkese që me vendim të kuvendit këto dëme të shkaktuara gjatë periudhës se vërshimeve sa ka qenë. Falë punës shumë të mirë që ka bërë drejtorja e emergjencave dhe është duke punuar edhe këto ditë në pastirimin e lumenjve, përrenjve dhe perrockave kësaj radhe kemi shpëtuar, kjo nuk na jep komoditet duhet të vazhdojmë pastrimin e lumenjve në tërë territorin e Komunës së Vushtrrisë.

Melihate Basholli-Latifi, kryesuese e kuvendit- tha, ne nuk mund te marrin vendim, mund vetëm ta aprovojme raportin pastaj kryetari ne baze te këtij raporti mund të bëjë kërkesë ne ministri.

Pas debatit lidhur me këtë pike të rendit të ditës ,Kuvendi pas votimit me 15 vota “për”, 14 vota “kundër” aprovoj raportin e vlerësimit të dëmeve nga fatkeqësitë natyrore dhe fatkeqësitë tjera në territorin e Komunës se Vushtrrisë të shkaktuara në muajin mars 2023.

6. Shqyrtimi i Propozim-vendimit për ofrimin e mbështetjes financiare për Adea Badivukun;

Sylejman Mehulli, anëtar i kuvendit- tha se pas sqarimeve ligjore që u bën nga zyra ligjore, do ta mbështesin këtë propozim-vendim, por kërkoj që të mbështetet finciarisht edhe znj.Kaltrina Maloku, e cila është e vetmja doktorante e shkencave aplikative-profilu aplikimi i matematikë në klimëatologji, e cila së fundmi ka prezantuar disa projekte.

Pas shqyrtimit të kësaj pike të rendit të ditës Kuvendi pas votimit me vota “unanime” vendosi me sa vijon:

1. Me këtë vendim znj. Adea Badivuku, studente e doktoraturës në piano, i ofrohet përkrahje financiare në shumë prej tremijë euro (3,000.00 €) për realizim të projektit me karakter ndërkombëtar, për promovim dhe avancim të kulturës dhe artit në Kosovë që do të realizohet nga data 22-28 qershor 2023 në Prishtinë.

2. Mjetet financiare të cekur në pikën paraprake të këtij vendim do të sigurohen nga buxheti i komunës – kategoria subvencione dhe transfere, të Drejtorisë për Kulturë Rini dhe Sport.

3. Përfituesi mjeteve financiare nga pika 1 e këtij vendimi duhet të dorëzoj në komunë – Drejtorinë për Buxhet dhe Financa brenda 7 ditësh pas përfundimit të projektit raport kthyes për shfrytëzimin e subvencionit,

4. Për zbatimin e këtij vendimi obligohen: Drejtorja për Buxhet dhe Financa dhe Drejtorja për Kulturë Rini dhe Sport.

5. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë.

7. Shqyrtimi i Propozim-vendimin për ndryshim të vendimi 01 Nr. 24/22 date.31.01.2022 për themelim të Këshillit Komunal për Siguri në Bashkësi;

Pas shqyrtimit të kësaj pike të rendit të ditës Kuvendi pas votimit me vota “unanime” vendosi me sa vijon:

1.Me këtë vendim ndryshohet vendimi 01 Nr. 24/22 date.31.01.2022 për themelim të Këshillit Komunal për Siguri në Bashkësi si në vijim:

1.1 Në paragrafin 1, pika 1.3 z.Dardan Abazi, Drejtor i DKA-së, caktohet anëtar i KKSB-së.

2. Për zbatimin e këtij vendimi obligohet Zyra e kryetarit dhe Sekretaria e Kuvendit.

3. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë.

Mbledhja përfundoi në ora: 12:15.

Bastri Duraku


Procesmbajtës

Melihate Basholli-Latifi


Kryesuese e Kuvendit

